

TARIKH : 23 MEI 2023  
AKHBAR : BERITA HARIAN  
MUKA SURAT : 1 & 3

## Tiada lagi subsidi elektrik, haji untuk T20

# Tiada lagi subsidi elektrik, haji untuk T20

Golongan berpendapatan tinggi atau T20 tidak lagi akan menerima subsidi untuk penggunaan elektrik atau menunaikan haji, sebagai langkah awal ke arah pelaksanaan pemberian subsidi bersasar. Bagaimanapun, penganalisis ekonomi berpendapat Pangkalan Data Utama (PADU) yang akan dibangunkan sebagai sistem penyelaras data menjelang akhir tahun ini dapat digunakan untuk menentukan golongan yang benar-benar layak mendapat subsidi.

Oleh Mohd Nasaruddin Parzi dan Suraya Ali → Nasional 3



## T20 tak lagi terima subsidi elektrik, haji

Sistem PADU siap menjelang akhir tahun bantu selaras penilaian agihan

Oleh Mohd Nasaruddin Parzi  
bhnews@bh.com.my

**Kuala Lumpur:** Golongan berpendapatan tinggi atau T20 tidak akan lagi menerima sebarang subsidi sama ada untuk penggunaan elektrik atau menunaikan haji, kata Datuk Seri Anwar Ibrahim.

Perdana Menteri berkata, Pangkalan Data Utama (PADU) iaitu sistem penyelaras data yang dijangka siap menjelang akhir tahun ini akan menyelaras penilaian agihan subsidi kepada golongan yang layak.

"Kita tidak naikan kadar elektrik melainkan kepada T20. Untuk T20 sahaja, iaitu (yang ada) rumah besar, tidak akan diberi

subsidi elektrik dan pangkalan data utama PADU akan dapat menyelaraskan semua.

"Bantuan kewangan haji kepada B40 kita tambah, tetapi kepada T20 tidak ada lagi tambahan atau subsidi daripada kerajaan.

"Mereka (T20) harus tanggung kos sepenuhnya haji kerana mereka mampu (bayar)," katanya pada sesi soal jawab lisan pada hari pertama persidangan Dewan Rakyat, semalam.

Beliau berkata, demikian ketika menjawab soalan Datuk Seri Hamzah Zainuddin (PN-Larut) yang mahu tahu dasar baharu dan drastik yang sudah dilaksanakan sejak memimpin Malaysia bagi melonjakkan ekonomi negara dengan mengambil kira risiko penguncupan ekonomi dunia.

**PADU jadi sumber rujukan**

Mengulas lanjut, Anwar berkata, langkah pengecualian dua subsidi berkenaan diperkenalkan kerajaannya bagi melaksanakan pemberian subsidi yang lebih bersasar.

"Pelarasan tarif elektrik bagi separuh tahun pertama 2023 di-

buat dengan mengekalkan tarif (dengan subsidi) bagi golongan isi rumah, PKS (perusahaan kecil dan sederhana) serta pengeluar pertanian, tetapi mengurangkan subsidi yang diberikan kepada syarikat pengguna elektrik besar.

"Selain itu, pelaksanaan program ini juga akan dimanfaatkan melalui pembangunan PADU yang menjadi sumber rujukan yang sahih untuk memilih penerima yang layak menerima bantuan yang sesuai dengan keperluan," katanya.

Minggu lalu, Anwar berkata, hanya pengguna domestik yang menggunakan elektrik berlebihan akan dikenakan caj tarif elektrik semasa dan tidak akan diberikan subsidi.

Ahli Parlimen Tambun itu berkata, pelaksanaannya sama seperti yang dikenakan terhadap jemaah haji.

Mac lalu, Tabung Haji mengumukkan kadar bayaran haji untuk kumpulan B40 kekal pada RM10,980; M40 (RM15,980, peningkatan RM3,000 seorang, berbanding kadar tahun lalu), manakala bayaran penuh sebanyak



Pengcualian dua subsidi kepada T20 bagi melaksanakan pemberian subsidi lebih bersasar. (Foto hiasan)

RM30,850 dikenakan bagi golongan T20.

Klasifikasi B40, M40 dan T20 merujuk kepada kelas pendapatan isi rumah di Malaysia.

Mengikut pengelasan Jabatan Perangkaan Malaysia yang dikeluarkan pada 2020, B40 mewakili golongan berpendapatan rendah dengan purata pendapatan bulanan di bawah RM4,850;

M40 adalah kumpulan isi rumah pertengahan dengan pendapatan seisi rumah dengan purata bulanan antara RM4,851 hingga RM10,970, manakala T20 adalah kumpulan isi rumah tertinggi penduduk Malaysia dengan pendapatan seisi rumah dengan purata bulanan RM10,971 dan ke atas.

Sementara itu, kumpulan isi rumah miskin adalah yang berpendapatan bulanan kurang daripada Pendapatan Garis Kemiskinan (PGK) RM2,208 sebulan.

Dalam pada itu, Anwar mengumumkan kerajaan sudah meluluskan RM200 juta untuk Tenggangan bagi kerja pembaikan kerosakan akibat banjir, terutama masalah runtuh tanah di sekitar Tasik Kenyir.

Beliau juga berkata, Pelan Industri Perindustrian Baru 2030 akan ditumunkan pada Ogos, sementara kajian, separuh pengal Rancangan Malaysia Ke-12 (RMK12) pada September bertukar kepada keputusan Speaker Dewan Rakyat, disusuli pembentangan Belanjawan 2024.